

PROVINCIA SENONENSIS, SEU LUGDUNENSIS QUARTA.

CIVITAS SENONUM, dictæ Not. Civitatum Galliæ, vulgò *Sens*. *Agræcius* hujus Episcopus fuit, ut testatur Apoll. Sidon. qui Epistolam 5. lib. 7. ad eum scripsit circa annum 472. & *Severinus* adfuit Concilio Agrippinenfi.

CARNUTUM Civitas, eidem Notitiæ, vulgò *Chartres*. *Aventinus* hujus Episcopus subscripsit Concilio Aurelianensi primo.

ANTISIODORUM, Autifidorum Ammiano Marcellino lib. 16. vulgò *Auxerre*. *Simplicius* hujus Episcopus interfuit Concilio Agrippinenfi.

TRECAE Greg. Turon. 1. 8. c. 3. vulgò *Troyes*. *Optatianus* hujus Episcopus interfuit Conc. Agrippinenfi, & *Lapus* apud Apoll. Sid. legitur lib. 4. Epist. 17.

AURELIA Apollinari Sidonio libro 8. Epist. 15. vulgò *Orleans*. *Diopetus* hujus Episcopus interfuit Concilio Agrippinenfi.

PARISII, Lucotecia Ptolem. lib. 2. cap. 8. vulgò *Paris*. *Victorinus* hujus civitatis Antistes interfuit Concilio Agrippinenfi, & *Dionysius* primus Episcopus Parisiensis dicitur apud Greg. Turon. lib. 1. Hist. cap. 30.

CIVITAS MELDUORUM dictæ Notitiæ civitatum Galliæ, vulgò *Meaux*. *Medoveus* hujus Episcopus subscripsit Concilio Aurelianensi quinto.

NIVERNUM Greg. Turon. lib. 8. cap. 1. vulgò *Nevers*. *Tauricianus* hujus Episcopus Epaonenfi Concilio subscripsit, & *Rusticus* Aurelianensi III.

LUGDUNENSIS QUINTA, SEU MAXIMA SEQUANORUM.

VISONTIUM Ptolem. lib. 2. cap. 9. vulgò *Bezançon*. Nondum Metropolis Ecclesiastica temporibus Gregorii Magni Papæ, ut supra diximus, sed sub Lugdunensi Præsule, sicut & aliæ hujus Provinciæ sedes: civitas tamen Episcopalis, cujus Antistes *Pancharius* interfuit Concilio Agrippinenfi, & *Claudius* Epaonenfi subscripsit.

AVENTICUM Ptolem. ibidem, vulgò *Avenche*. *Marius* hujus Episcopus subscripsit Concilio Matisconensi secundo. Sedes postea Lausannam translata est, & inde Friburgum, postquam Lausanna à Bernensibus hæreticis occupata est.

AUGUSTA RAURACORUM Ptol. ibid. vulgò *Augst*. *Justinianus* hujus Episcopus interfuit Concilio Agrippinenfi: sed hæc sedes Episcopalis Basileam non longè distantem civitatem translata est.

VINDONISSA Tacito libro quarto historiarum, vulgò *Winich*. *Bubulcus* hujus Præsul subscripsit Concilio Epaonenfi. Postea sedes Episcopalis Constantiam ad Rhenum translata est, circa annum Christi, ut ferunt, 597.

BELICA, aliis Bellicium civitas, cujus sæpè fit mentio in Conciliis, vulgò *Belley* dicitur. *Vincentius* hujus Episcopus subscripsit Concilio Parisiensi secundo. Hanc autem sedem Episcopalem prius fuisse apud Nevidunum seu civitatem Equestrium, non pauci ajunt, sed quomodo probent non video.